

P S Y C H E  
F A B U L A A P U L E I I .

Q U A M

VENIA AMPL. FACULT. PHILOS. ABOËNSIS

P. P.

JOH. GABR. LINSEN

*Phil. Mag. Litterat. Rom. Adjunctus,*

&

ERICUS FROSTERUS

*Stip. Publ. Ostrobothniensis.*

P. II.

In Audit. Philos. die XXIII Octobr. MDCCCXXII.

*h. p. m. s.*

---

ABOÆ, excudebant J. C. Frenckell & Fil.

2.

*Thesium Continuatio.*

VI.

Rerum naturæ amica est Poësis, ipsamque homini reddit  
gratam & faventem,

VII.

Id antiquorum fabula de Orpheo & Amphione pulcre effingit.

VIII.

Errant igitur, qui statuunt, non nisi cogitatione spectari  
posse mundum, in quo Poëtæ sit commorandum.

IX.

Ut omnium Poëtarum — duumvirorum instar — maxime ex-  
cellunt Homerus & Shakespeare, ita rerum naturam mortaliumque  
vitæ indolem accuratissime iidem & ad veritatem adcomodatissime  
perscribunt atque proponunt.

redditum, novitas per assiduam consuetudinem delectationem ejus commendarat: & sonus vocis incertæ solitudinis erat solatum.

Interea parentes ejus indefesso lugitu atque moerore consenescebant. Latiusque porrecta fama, sorores illæ majores cuncta cognorant: propereque moestæ atque lugubres deserto lare, certatim ad parentum suorum conspectum affatumque perrexerant. Ea nocte ad suam Psychem sic infit maritus (namque præter oculos & manibus & auribüs sentiebatur): Psyche dulcissima, & cara uxor, exitiabile tibi periculum minatur Fortuna sævior, quod observandum pressiore cautela censeo. Sorores jam tuæ mortis opinione turbatae, tuumque vestigium requirentes, scopulum istum protinus aderunt. Quarum si quas forte lamentationes acceperis, neque respondeas, immo nec prospicias omnino. Ceterum mihi quidem gravissimum dolorem, tibi vero summum creabis exitium. Annuit, & ex arbitrio mariti se facturam spospondit. Sed eo simul cum nocte dilapso, diem totum lacrymis ac plangoribus misella consumit: se nunc maxime prorsus perisse iterans, quæ beati carceris custodia septa, & humanæ conversationis colloquio viduata, ne sororibus quidem suis de se moerentibus opem salutarem ferre, ac ne videre eas omnino posset. Nec lavacro, nec ulla denique refectione recreata, flens ubertim, decessit ad somnum. Nec mora, cum paullo maturius lectum maritus accubans, eamque etiam nunc lacrymantem com-

plexus, sic expostulat: Hæcine mihi pollicebare, Psyche mea? Quid jam de te tuus maritus exspecto? quid spero? Et perdia, & pernox, nec inter amplexus conjugales desinis cruciatum. Age jam nunc ut voles, & animo tuo damnosa poscenti pareto: tamen memineris meæ seriæ monitionis, cum cœperis sero pœnitere. Tunc illa precibus, & dum se morituram comminatur, extorquet a marito, cupitis annuat: ut sorores videat, luctus mulceat, ora conserat. Sic ille novæ nuptæ veniam tribuit; & insuper, quibuscumque vellet, eas auri vel monilium donare concessit. Sed identidem monuit, ac sæpe terruit, ne quando sororum perniciose consilio svasa de forma mariti quærat: neve se sacrilega curiositate de tanto fortunarum suggestu pessum dejiciat; nec suum postea contingat amplexum. Gratias egit marito, jamque lætior animo: Sed prius, inquit, cœnties moriar, quam tuo isto dulcissimo connubio caream. Amo enim & efficit te, quicumque es, atque ut meum spiritum diligo, nec ipsi Cupidini comparo. Sed illud etiam precibus meis, oro, largire, & illi tuo famulo præcipe Zephyro, simili vectura sorores huc mihi sistat. Et imprimens oscula svatoria, & ingerens verba mulcentia, & jungens membra cohibentia, his etiam blanditiis astruit: Mi mellite, mi marite, tuæ Psyches dulcis anima. Vi ac potestate Veneris viatus, invitus succubuit maritus, & cuncta se facturum sponsavit, atque etiam luce proximante de manibus uxoris evanuit.

At illæ sorores, percontatæ scopulum, locumque illum, quo fuerat Psyche deserta, festinantes adveniunt, ibique deflebant oculos, & plangebant ubera, quoad crebris earum ejulatibus saxa cautesque parilem sonum resulantarent. Jamque nomine proprio sororem miseram ciebant, quoad sono penetrabili vocis ululabilis per prona delapsæ, amens & trepida Psyche procurrerit e domo, &: Quid, inquit, vos miseris lamentationibus nequidquam affligitis? quam lugetis, adsum. Lugubres voces desinite, & diutinis lacrymis madentes genas siccate tandem; quippe cum jam possitis, quam plangebatis, amplecti. Tunc vocatum Zephyrum præcepti maritalis admonet. Nec mora, cum ille, parens imperio, statim clementissimis flatibus innoxia vestura deportat illas. Jam mutuis amplexibus, & festinanti bus saviis sese perfruuntur; & illæ sedatae lacrymæ postliminio redeunt, prolectante gaudio. Sed & teatum, inquit, & larem nostrum lætæ succedite, & afflictas animas cum Psyche vestra recreate. Sic allocuta, summas opes domus aureæ, vocumque servientium populosam familiam auribus earum demonstrat, lavacroque pulcerrimo, & inhumanæ mensæ lautitiis eas opipare reficit: ut, illarum prorsus cœlestium copiis affluentibus satiatæ, jam præcordiis penitus nutriren invidiam. Denique altera earum satis serupulose curioseque percontari non desinit, quis illarum rerum cœlestium dominus, quisve vel qualis ipsius sit maritus.

Nec tamen Psyche conjugale illud præceptum ullo pacto temerat, vel pectoris arcanis exigit; sed e re

nata configit: esse juvenem quendam & speciosum & commodum, lanoso barbitio genas inumbrantem, plerumque rurestribus & montanis venatibus occupatum. Et, ne qua sermonis procedentis labe consilium tacitum proderetur, auro facto gemmosisque monilibus onustas eas statim vocato Zephyro tradit reportandas. Quo protinus perpetrato, sorores egregiae domum redeuntes, jamque gliscentis invidiae felle flagrantes, multa secum sermonibus mutuis perstrepebant. Sic denique infit altera: En orba & sæva & iniqua fortuna! hoccine tibi complacuit, ut utroque parente prognatae, diversam sortem sustineremus? Et nos quidem, quæ natu maiores sumus, maritis advenis ancillæ deditæ, extores & lare & ipsa patria degamus, longe parentum velut exulantes; hæc autem novissima, quam, foetu satiate, postremus partus effudit, tantis opibus & deo marito potita sit, quæ nec uti recte tanta bonorum copia novit? Vidisti, soror, quanta in domo jacent, & qualia monilia; quæ prænitent vestes, quæ splendicant gemmæ, quantum præterea passim calcatur aurum. Quod si maritum etiam tam formosum tenet, ut affirmat, nulla nunc in orbe toto felicior vivit. Fortassis tamen, procedente consuetudine, & affectione roborata, Deam quoque illam deus maritus efficiet. Sic est, Hercules: sic se gerebat ferebatque. Jamjam sursum respicit, & deam spirat mulier, quæ Voces ancillas habet, & Ventis ipsis imperat. At ego primum patre meo seniorem maritum sortita sum, dein cucurbita glabriorem, & quovis puero pumiliorem, cunctam domum seris & catenis obditam custodientem.

Suscipit alia: Ego vero maritum articulari etiam morbo complicatum, curvatumque ac per hoc rarissime Venerem meam recolentem sustineo, plerumque retortos & duratos in lapidem digitos ejus perfricans, fomentis olidis & pannis sordidis & foetidis cataplasmati manus tam delicatas istas adurens, nec uxoris officiosam faciem, sed medicæ laboriosam personam sustinens. Et tu quidem, soror, videris quam patienti, vel potius servili (dicam enim libere quid sentio) hæc perferas animo; enimvero ego nequeo sustinere ulterius tam beatam fortunam collapsam indigne. Recordare enim quam superbe, quam arroganter nobiscum egerit, & ipsa jactatione immodicæ ostentationis tumentem suum prodiderit animum: deque tantis divitiis exigua nobis invita projecerit, confestimque præsentia nostra gravata, propelli & efflari, exsibilarique nos jusserit. Nec sum mulier, nec omnino spiro, nisi eam pessum de tantis opibus dejecero. Ac, si tibi etiam, ut par est, inacuit nostra contumelia, consilium validum ambæ requiramus. Jamque ista, quæ ferimus, non parentibus nostris ac nec ulli demonstremus alii; immo nec omnino quidquam de ejus salute norimus. Sat est, quod ipsæ vidimus, quæ vidisse pœnituit; nedum ut genitoribus & omnibus populis tam beatum ejus differamus præconium. Nec sunt enim beati, quorum divitias nemo novit. Sciet se non ancillas, sed sorores habere majores. Et nunc quidem concedamus ad maritos; & lares pauperes nostros, sed plane sobrios, revisamus: diuque cogitationibus pressioribus instructæ, ad superbiam puniendam firmiores redeamus. Placet pro bono

duabus malis malum consilium: totisque illis tam pretiosis munjeribus absconditis, comam trahentes, &, perinde ut merebantur, ora lacerantes, simulatos redintegrant fletus. Ac sic parentes quoque, redulcerato prorsus dolore, raptim deserentes, vesania turgidae, domus suas contendunt: dolum scelestum, immo vero parricidium struentes contra sororem insontem.

Interea Psychem maritus ille, quem nescit, rursum suis illis nocturnis sermonibus sic commonet: Videsne quantum tibi periculum velitatur fortuna eminus? ac, nisi longe firmiter praecaves, mox minus congregetur. Perfidæ lupulæ magnis conatibus nefarias insidias tibi comparant: quarum summa est, ut te suadeant meos explorare vultus: quos, ut tibi sæpe prædixi, non videbis, si videris. Ergo igitur, si posthac pessimæ illæ lamiae noxiis animis armatae venerint, (venient autem scio) neque omnino sermonem conferas; &, si id tolerare pro genuina simplicitate, proque animi tui teneritudine non poteris, certe de marito nil quidquam vel audias, vel respondeas. Nam & familiam nostram jam propagabimus, & hic adhuc infantilis uterus gestat nobis infantem alium, si texeris nostra secreta silentio, divinum, si profanaveris, mortalem. Nuntio Psyche læta florebat, & divinæ sobolis solatio plaudebat, & futuri pignoris gloria gestiebat, & materni nominis dignitate gaudebat. Crescentes dies & menses exeuntes anxia numerat: & sarcinæ nescia rudimenta miratur, & brevi punctulo tantum incrementum locupletis uteri. Sed jam pestes illæ teterimæque furiæ anhelantes vi-

pereum virus, & festinantes, impia celeritate navigabant.

Tunc sic iterum momentarius maritus suam Psychem admonet: Dies ultimus, & casus extremus; & sexus infestus, & sanguis inimicus jam sumsit arma, & castra commovit, & aciem direxit, & classicum personavit. Jam mucrone districto jugulum tuum nefariæ tuæ sorores petunt. Heu quantis urgemur cladibus, Psyche dulcissima! Tui nostrique miserere: religiosaque continentia domum, maritum, teque & istum parvulum nostrum imminentis ruinæ infortunio libera: nec illas scelestas feminas (quas tibi post internecinum odium & calcata sanguinis foedera, sorores appellare non licet) vel videas, vel audias: cum more Sirenum scopulo prominentes, funestis vocibus saxa personabunt. Suscipit Psyche, singultu lacrimoso sermonem incertans: Jamdudum, quod sciam, fidei atque parci-loquii mei perpendisti documenta: nec eo secius approbabitur tibi nunc etiam firmitas animi mei. Tu modo Zephyro nostro rursum præcipe, fungatur obsequio; & in vicem denegatæ sacrosanctæ imaginis tuæ, reddere saltem conspectum sororum, per istos cinnameos & undique pendulos crines tuos, per teneras & teretes & mei similes genas, per pectus nescio quo calore fervidum. Sic in hoc saltem parvulo cognoscam faciem tuam, supplicis anxiæ piis precibus erogatus germani complexus indulge fructum, & tibi devotæ caræque Psyches animam gaudio recrea: nec quidquam amplius in tuo vultu requiro. Jam nil officiunt mihi nec ipsæ

nocturnæ tenebræ. Teneo te meum lumen. His verbis & amplexibus mollibus decantatus maritus, lacrymasque ejus suis crimibus detergens, facturum spospondit: & prævertit statim lumen nascentis diei. Jugum sororium consponsæ factionis, ne parentibus quidem visis, recta de navibus scopulum petunt illum, præcipiti cum velocitate: nec venti ferentis operæ præsentiam, licentiosa cum temeritate prosiliant in altum. Nec immemor Zephyrus regalis edicti, quamvis invitus, susceptas eas gremio spirantis auræ, solo reddidit.

At illæ incontanter statim conferto vestigio domum penetrant, complexæque suam prædam, sorores nomine mentientes, thesaurumque penitus abditæ fraudis vultu læto tegentes, sic adulant: Psyche, non ita pridem parvula, & ipsa jam mater es. Quantum putas boni nobis geris in ista perula! quantis gaudiis totam domum nostram hilarabis! O nos beatas, quas infantis aurei nutrimenta lætabunt! qui, si parentum, ut oportet, pulcritudini responderit, prorsus Cupido nascetur. Sic affectione simulata, paulatim sororis invadunt animum. Statimque eas a lassitudine viæ sedilibus refolas, & balnearum vaporosis fontibus curatas, pulcerimo triclinio mirisque illis & beatis edulibus, atque tucetis oblectat. Jubet citharam loqui, psallitur: tibias agere, sonatur: chorœ canere, cantatur. Quæ cunctæ præsente nullo dulcissimis modulis animos audientium remulcebant. Nec tamen scelestarum strigarum nequicia vel ipsa mellita cantus dulcedine mollita conquievit;